

隈澳間乘暮入焉乃張二白板於船旁而鳴其榔  
魚見白板輒驚眩入網然諸魚不驚惟鱗鱖鮪三  
者驚三者味甘美故粵人最重跳白之魚魚以曉  
散而暮聚聚必於水之涯涘故跳白船之出以暮  
而多在岼艸蒙茸之際無風波患予詩花中藏跳  
白出沒少魚驚向夕鳴榔去知予是月明其照公  
魚則以火枝搖颺公魚捨火乃以罾漉之取花魚  
則以藤竹爲竿竿長丈有三寸貴軟而輕以左紐  
絲爲線長丈有四寸繫以四鉤鉤分四方施於沙  
泥之上足輕手疾日可得花魚半石花魚者七星  
魚也取鮑魚以釣其竿五尺繫以天蠶之絲餌以